

## **South Sotho - Poloko Mangolo - Salvation Scriptures**

**Baefese 2:2 tseo kgale le neng le itsamaela ho tsona ka mokgwa wa lefatshe lena, ha le ne le sa buswa ke morena ya busang matla a sebaka, e leng moyo o sebetsang jwale baneng ba ho se dumele.**

**Mattheu 6:10 ho tle mmuso wa hao; thato ya hao e etswe lefatsheng, jwalokaha e etswa lehodimong;**

**Luka 22:42 a re: Ntate, hoja o ka rata ho suthisa senwelo sena pela ka! empa ho se ke ha etswa thato ya ka, ho etswe ya hao.**

**Johanne 16:7-9 Leha ho le jwalo, ke le bolella nnete: ho molemo ho Iona ha nka ikela; hobane ha ke sa ye, Moemedi a ke ke a tla ho Iona; empa ha ke eya, ke tla mo romela ho Iona. 8 Mme etlare hobane yena a tle, o tla kgodisa lefatshe, hore sebe se teng, le ho loka, le kahlolo: 9 sebe se teng, hobane ha ba dumele ho nna;**

**2 Timothea 2:10 Ke mamella tsohle ke hona ka baka la bakgethwa, hore le bona ba ke ba rue poloko e ho Jesu Kreste, le kganya e sa feleng.**

**Baroma 15:20,21 Mme jwale, ke bile ka phehella hoba ke bolele Evangel moo Kreste a neng a eso ho bolelwe teng, hore ke se ke ka haha motheong wa ba bang. 21 Ho mpe ho be jwalokaha ho ngodilwe, ho thwe: Bao a neng a eso ho ka a bolelwa ho bona, ba tla bona, le ba neng ba eso ho ka ba utlwa taba tsa hae, ba tla utlwisia.**

**Diketso 2:36,37 Ka baka leo, ntlo yohle ya Israele e ke e tsebe kannete, hobane Jesu eo le mo thakgisitseng, Modimo o mo entse Morena le Kreste. 37 Eitse ha ba utlwa hoo, ba hlajwa dipelo, mme ba re ho Petrose le ho baapostola ba bang: Banna ba heso, re tla etsa jwang?**

**Baheberu 4:2 Hobane le rona, re boleletswe Evangel jwaloka bona; empa bao, lentswe leo ba le utlwileng ha le a ka la ba thusa letho, ka baka la hobane ha le a ka la fihlelana le tumelo pelong tsa ba le utlwileng.**

**Jeremia 24:7 Ke tla ba nea pelo e ntsebang hoba ke Jehova; mme e tla ba setjhaba sa ka, nna ke be Modimo wa bona, hobane ba tla sokolohela ho nna ka pelo yohle.**

**Diketso 16:14 Mosadi e mong ya bitswang Lidia, mohwebi wa purepera,**

**wa motse wa Thiatire, ya tshabang Modimo, a mamela; Morena a  
bula pelo ya hae hore a ele ditaba tse bolelwang ke Pauluse hloko.**

**Mattheu 13:14,15 Ho phethahala ho bona ho porofetilweng ke Esaia, ha  
a re: Ka kutlo le tla utlwa, empa le ke ke la utlwisia; ka pono le tla  
bona, empa le ke ke la bontshisa. 15 Hobane pelo ya setjhaba sena  
e nonne; ditsebe tsa bona di utlwa ka thata, mme ba pompaditse  
mahlo a bona, hore ba se ke ba bona ka mahlo, ba se ke ba utlwa ka  
ditsebe, ba se ke ba utlwisia ka dipelo, ba se ke ba sokoloha, mme  
ke se ke ka ba fodisa.**

**Esaia 6:9,10 A re: Eya, o bolelle setjhaba seno, o re: Le tla mamela,  
empa le ke ke la utlwisia; le tla tadima, empa le ke ke la bontshisa.  
10 Nontsha pelo tsa batho bao, o thatafatse ditsebe tsa bona, o ba  
pompatsse mahlo, hore ba se bone ka mahlo, ba se utlwe ka ditsebe,  
dipelo tsa bona di se elellwe, ba se ke ba baka, ba fola.**

**Mareka 4:11,12 Yaba o re ho bona: Lona le neilwe ho tseba sephiri sa  
mmuso wa Modimo, athe ho bao ba kantle tsohle di etswa ka  
ditshwantsho; 12e le hore, ha ba bona, ba bone, mme ba se ke ba  
bontshisa; leha ba utlwa, ba utlwe, ba mpe ba se ke ba utlwisia;  
esere mohlomong, ba sokoloha, mme ba tshwarelw dibe.**

**Johanne 12:39,40 Ka baka leo, ba ne ba sitwa ho dumela, hobane Esaia  
o boetse a re: 40O foufaditse mahlo a bona, mme o ba thatafaditse  
dipelo, hore ba se ke ba bona ka mahlo, ba se ke ba utlwisia ka  
dipelo, ba se ke ba sokoloha, mme ke se ke ka ba fodisa.**

**Baroma 11:7,8 Ho jwang jwale? Seo Iseraele a neng a se batla, ha a ka  
a se fumana; empa bakgethwa ba se fumane, athe ba bang ba  
thatafaditswe; 8 jwalokaha ho ngodilwe, ho thwe: Modimo o ba neile  
moya wa bolokwana, le mahlo ao ba sa tlo bona ka wona, le ditsebe  
tseo ba sa tlo utlwa ka tsona, ho fihlela letsatsi la kajeno.**

**2 Bathesalonika 2:10,11 le ka thetso yohle ya bokgopo ho ba timelang;  
hobane ha ba ka ba amohela lerato la ho rata nnete, ba tle ba  
bolekehe. 11 Ke ka baka leo Modimo o tlang ho ba romela moywa  
thaetso o sebetsang ka matla, ba tle ba dumele bohata;**

**Mattheu 13:18-23 Jwale lona, mamelang taba ya setshwantsho sa  
mojadi. 19 E mong le e mong ha a utlwa polelo ya mmuso, mme a sa  
e utlwisia, e mobe o ye a tle ho yena, a mo amohe se jetsweng  
pelong ya hae. Eo ke ya amohetseng peo pela tsela. 20 Ya  
amohetseng peo majweng, ke motho ya utlwang lentswe, ya  
phakisang a le amohela ka thabo; 21 a mpa a se na motso ka ho**

**yena, empa e le wa motsotso o se okae feela; ereha tshwenyeho le hloriso di hla ka baka la lentswe, a phakise a kgoptjwe. 22 Haele ya e amohetseng hara meutlwa, ke ya utlwang, lentswe; empa ho belaella dintho tsa lefatshe lena, le ho thetsa ha lefumo, ho pupetsa lentswe, mme le nyope. 23 Empa ya amohetseng peo mobung o motle, ke motho ya utlwang lentswe, ya le utlwisisang, mme o a beha; hlaku e nngwe e hlahisa tse lekgolo, e nngwe e hlahisa tse mashome a tsheletseng, e nngwe e hlahisa tse mashome a mararo.**

**2 Bakorinthe 3:15,16 Empa le kajeno a bokajeno, ha ho balwa ditaba tsa Moshe, lesira le sa ntse le sirense dipelong tsa bona. 16 Empa mohla di tla sokolohela ho Morena, lesira le tla tloswa.**

**Esaia 30:28 Phefumoloho ya hae e jwaloka morwallo o tsholohang, o phahamileng ho isa molaleng wa motho, ho sefa ditjhaba ka sefe ya tshenyeho, ho bea tomo e kgelosang melomong ya ditjhaba.**

**Hosea 11:3-7 Atha nna, ke rutile Efraime ho tsamaya, ke ntse ke mo tshwere ka matsoho, empa ha ba ka ba lemoha ha ke ba fodisa. 4 Ke ne ke ba hule ka kgwele tsa batho, ka kgwele tsa lerato, ke le jwaloka ya lokollang joko melaleng ya bona, ke ne ke ba atamele ka mosa ho ba fepa. 5 Efraime a ke ke a kgutlela Egepete, o tla buswa ke Assiria; hobane ba hanne ho kgutlela ho nna. 6 Lerumo le tla senya metseng ya hae, le fedise mekwallo ya hae, le ba qete ka baka la merero ya bona. 7 Setjhaba sa ka se tiiseditse ho nkwenehela; leha ba biletswa hodimo, ha ho le a mong ya emisetsang pelo ya hae teng.**

**Diketso 26:18 o tle o tutubolle mahlo a bona, hore ba tlohe lefifing ho kena leseding, ba tlohe le matleng a Satane ho sokolohela ho Modimo, mme ba bone tshwarelo ya dibe tsa bona le lefa hara bahalaledi ka ho dumela ho nna.**

**2 Timothea 2:24-26 Mohlanka wa Morena ha a tshwanelo ho Iwana; empa e ka kgora a be mosa ho bohole, a lokele ho ruta, a mamelle ka sebete. 25 A rute ka bonolo ba hanyetsang, ho tle ho lekwe hore na mohlomong Modimo o ke se ke wa ba nea pako, ba be ba lemohe nnete; 26 mme ba tlohe lerabeng la Diabolose, ya ba tshwasitseng hore ba etse kamoo a ratang kateng.**

**Tshenolo 3:17-19 Erekaha o re: Ke morui, ke mononi, mme ha ke hloke letho; atha ha o tsebe hobane o soto, o madimabe, o mofutsana, o sefolu, o feela; 18 ke a o eletsa hore o ithekele ho nna kgauta e hlwekisitsweng mollong, o tle o rue; le diaparo tse tsweu, o tle o**

**apare, dihlong tsa bofeela ba hao di tle di se ke tsa bonahala; o ithekele le setlolo sa mahlo, ho a tlotsa ka sona, o tle o bone. 19 Nna, ke kgalemela, ke laya bohole bao ke ba ratang; o be le tjheseho hle, mme o bake.**

**2 Bakorinthe 7:10 Hobane ho swaba ka mokgwa o ratwang ke Modimo ho hlahisa pako e pholosang, e sa bakelweng; empa ho swaba ka mokgwa wa lefatshe ho hlahisa lefu.**

**1 Marena 18:37 Nkutlw, Jehova, o nkutlw, hore setjhaba sena se tle se tsebe hobane ke wena, Jehova, o leng Modimo, le hobane o boetse o kgutlisitse dipelo tsa bona.**

**2 Bakorinthe 4:4 e leng bao modimo wa lefatshe lena o ba foufaditseng dikelollo, ke ho re, ba sa dumelang, ba tle ba se ke ba tjabelwa ke lesedi la Evangeli ya kganya ya Kreste, eo e leng setshwantsho sa Modimo.**

**Luka 8:11-15 Jwale, setshwantsho ke sena: Dijalo, ke lentswe la Modimo; 12 ba pela tsela ke ba utlwang; hamorao, Diabolose o a tle, a hlakole lentswe dipelong tsa bona, hore ba se ke ba dumela, le ho bolokeha. 13 Ba majweng, ke bao e reng ha ba utlwile, ba amohele lentswe ka thabo; empa bao ha ba na metso, ke ba dumelang ka mehla e seng mekae; mme ere mohla moleko, ba kwenehe. 14 Tse wetseng meutlweng, ke ba utlwileng lentswe; empa ha ba ntse ba eya, ba pupetswa ke dipelaelo tsa lefatshe, le lerato la lefumo, le menyaka ya bophelo bona, mme ba se ke ba beha dijo. 15 Mme tse wetseng mobung o motle, ke ba utlwileng lentswe ka dipelo tse ntle, tse molemo; ba le boloka, mme ba beha dijo ka tiisetso.**

**Diketso 15:11 athe re dumela hobane re tla bolokeha ka mohau wa Morena Jesu Kreste, jwaloka bona?**

**Baroma 8:13 Hobane ha le phela ka thato ya nama, le tla shwa; empa ha le bolaya mesebetsi ya mmele ka Moya, le tla phela. 14 Hobane bohole ba tsamaiswang ke Moya wa Modimo, bona ke bana ba Modimo.**